

Morning Dogri (NSD) National News Bulletin 02-05-2024

आकाशवाणी

खबरां श्रुति खजूरिया कोला।

1. लोकसभा चुनां दे खीरले गेड़ दे मतदान मगरा जारी एक्जिट पोलें मूजब बीजेपी दी अगुवाई आले एनडीए गठबंधन दी सरकार बनने दा अनुमान ऐ।
2. कल 7में ते खीरले गेड़ च 62.36 प्रतिशत मतदान दर्ज कीता गेआ।
3. अरुनाचल प्रदेश ते सिक्किम विधानसभा लेई पेदे वोटें दी गिनतरी जारी ऐ। आंध्रप्रदेश ते ओडिशा विधानसभा दे उप-चुनां ते लोकसभा चुनां 2024 दी मतगणना 4 जून गी होग।
4. मई 2024 म्हीनें च जीएसटी राजस्व च पिछले बरे दे मकाबले 10 प्रतिशत बाद्धा दर्ज होआ ऐ।
5. आईसीसी मर्दे दे टी-20 विश्व कप 2024 दे वार्म-अप मैच च भारत नै बंगलादेश गी हराई दित्ता ऐ।

<><><><><><>

LS- Exit Poll

4 जून गी लोकसभा चुनां दी मतगणना शा पैहले निजी टीवी चैनलें ते होर दुइएँ अजेसिएं चुनां परेंत दे सर्वे दे नतीजे जारी कीते न। इंदे चा मते सारे च आक्खे गेदा ऐ जे भारतीय जनता पार्टी दी नुमायंदगी आला एनडीए लोकसभा चुनां च बहुमत हासल करियै सत्ता च वापसी करोग। इनें नतीजे थमां इशारा थहोदा ऐ जे 543 मिनबरें आली लोकसभा च एनडीए गी दो तिहाई बहुमत थहोई सकदा ऐ। लोकसभा च सामान्य बहुमत लेई 272 सीटें दी लोड़ हुंदी ऐ। चुनां माहिरें नरेन्द्र मोदी दी नुमायंदगी आली एनडीए सरकार दे 350 शा बद्ध सीटां मिलने दा अंदाजा लाया ऐ। विपक्षी इंडी गठबंधन गी लोकसभा च 125 शा 150 सीटां थहोई सकदियां न। लोकसभा चुनां च बीजेपी दी नुमायंदगी आले एनडीए दा सिद्धा मकाबला कांग्रेस दे नेतृत्व आले इंडी गठबंधन कन्नै हा। सत्तारूड़ बीजेपी गी प्रधानमंत्री नरेन्द्र मोदी हुंदी नुमायंदगी लगातार त्री बारी सत्ता च परतोने दा भरोसा ऐ।

<><><><><><>

7th Phase

लोकसभा चुनावों में 7th फेज में खीरी गेड़ च कल 62.36 प्रतिशत मतदान दर्ज कीता गेआ। इस गेड़ च 7 राज्यों में इक केन्द्र शासित प्रदेश दिए 57 संसदीय सीटें लेई वोट पाए गे हे। इंदे च उत्तर प्रदेश में पंजाब दिया 13-13 सीटों, पच्छिम बंगाल दिया 9, बिहार दिया 8, ओडिशा दिया 6, हिमाचल प्रदेश दिया 4, झारखंड दिया 3 ते चंडीगढ़ दी इक सीट शामिल ऐ। बिहार च 51.92 प्रतिशत मतदान होआ जिसलै के चंडीगढ़ च 67.90 प्रतिशत, ओडिशा च 70.67 प्रतिशत, जित्थें विधानसभा दी 42 सीटें लेई बी मतदान करोआया गेआ। एहदे अलावा हिमाचल प्रदेश विधानसभा दी 6th सीटें में बिहार, उत्तर प्रदेश में पच्छिम बंगाल विधानसभाएं दी इक-इक सीट आस्तै बी उप-चुनां होए। चुनावों आयोग आस्सेआ जारी ब्यान च आखेआ गेआ ऐ जे मुख्य भरै च मतदान 7th गेड़ें च रमानदारी में शांतिपूर्ण ढंगे कन्नै सम्पन्न होआ ऐ।

<><><><><><>

Assembly

अरुणाचल प्रदेश में सिक्किम विधानसभा चुनावों में मतगणना जारी ऐ। दौनें विधानसभाएं दा कार्यकाल अज्ज मुक्का'रदा ऐ। इनें दौनें राज्यों च 19 अप्रैल गी लोकसभा में विधानसभा में चुनावों कन्नो-कन्नी होए हे। अरुणाचल प्रदेश विधानसभा दी 60 चा 10 सीटें पर बीजेपी बिजन मकाबले में जित्ती चुकी दी ऐ। सिक्किम च विधानसभा दी 32 सीटें आस्तै 146 मेंदवार चुनावों में मैदान च हे। इंदे च निवर्तमान मुख्यमंत्री प्रेम सिंह तमांग, साबका मुख्यमंत्री पवन कुमार मन्ने परमन्ने में फुटबाल खडारी बाइचुंग भूटिया, नमीं कायम सिटिजन एक्शन पार्टी में गणेश कुमार राय में बीजेपी में प्रदेश अध्यक्ष डॉ. डी.आर.थापा हुंदे नां मुख्य न।

<><><><><><>

Lok Sabha Counting

इस बरे में लोकसभा चुनावों, आंध्रप्रदेश में ओडिशा में विधानसभा चुनावों में कन्नो कन्नी विधानसभा में उपचुनां लेई वोटों में गिनतरी 4 जून गी बडलै 8 बजे थमां शुरू होग। मुख्य चुनावों आयुक्त राजीव कुमार होंरे चुनावों आयुक्त ज्ञानेश कुमार में डॉ. सुखबीर सिंह संघु होंरे

मतगणना तैआरिणं दी समीक्षा कीती। आयोग मूजब मतगणना दे रूझान ते नतीजे निर्वाचन आयोग दी वैबसाईट Results.eci.gov.in ते वोटर हैल्पलाइन ऐप परन उपलब्ध होंगन। वोटर हैल्पलाइन ऐप गी गूगल प्ले स्टोर जांफही ऐपल प्ले स्टोर थमां डाउनलोड कीता जाई सकदा ऐ।

<><><><><><><>

PM

प्रधानमंत्री नरेन्द्र मोदी होरें विश्वास जाहर कीता ऐ जे एनडीए सरकार गी इक बारी फही चुनने आस्तै लोकें रिकर्ड गिनतरी च मतदान कीता ऐ। सोशल मीडिया पर कीती गेदी केई सारी पोस्टें राणं उनें आखेआ जे लोकें एनडीए सरकार दा कम्म दिक्खेआ ऐफ। गरीब, दबोए लतड़ोए दे ते हाशिए पर रवा'रदे लोकें दे जीवन च सकारात्मक बदलाव आया ऐ। तोआई इंडी गठबंधन दी कल नमीं दिलली च बैठक लगगी, उनें 295 थमां बद्ध लोकसभा सीटां जित्तने बारे भरोसा जताया।

<><><><><><><>

Counting Day

मुख्य चुनां आयुक्त राजीव कुमार होरें चुनां आयुक्तें ज्ञानेश कुमार ते डॉ. सुखबीर सिंह संधू ते सब्बने मुख्य चुनां अधिकारिणं ते रिटर्निंग अफसरें सनें वोटें दी गिनतरी दी तैआरिणं दा जायजा लैता। अरुणाचल प्रदेश च कुल 60 विधानसभा सीटां न, जिंदे चा बीजेपी नै 10 सीटां निर्विरोध जित्ती लैती दियां न। बकाया 50 सीटें लेई 133 मेदवारें चुनां लड़ेआ। तोआई सिक्किम च विधानसभा दी 32 सीटें लेई 146 मेदवार मैदान च न, जिंदे च बक्ख-बक्ख राजनीतिक पार्टिणं दे 138 मेदवार ते 8 निरपक्ख मेदवार शामिल न।

<><><><><><><>

ECI Central Forces

भारतीय चुनां आयोग नै चुनाणं मगरा कुसै बी चाल्ली दी हिंसा गी रोकने आस्तै राज्यें गी केन्द्रीय सुरक्षा बल उपलब्ध करोआए न। आयोग नै एह् फैसला राज्यें ते केन्द्रीय निगरानें आस्सेआ कीते गेदे आंकलन दे आधार पर लैता ऐ। आंध्रप्रदेश ते पच्छिम बंगाल च मतगणना

मगरा 15 दिनें आस्तै सुरखा बल उपलब्ध करोआए गे न। उत्तर प्रदेश, ओडिशा, सिक्किम ते अरुणाचल प्रदेश च वोटें दी गिनतरी दे दो दिन मगरा तगर सुरक्षा बल तैनात रौंहगन।

<><><><><><>

GST

मई 2024 म्हीने च जीएसटी राजस्व इक लक्ख 73 ज्हार करोड़ रपे रेहा। वित्त मंत्रालय नै एह जानकारी दिंदे होई आखेआ जे जीएसटी राजस्व च पिछले ब'रे दे मकाबले 10 प्रतिशत बद्ध होआ ऐ। मई म्हीने दे जीएसटी राजस्व च केन्द्रीय जीएसटी 32 ज्हार करोड़ रपे, राज्य जीएसटी 40 ज्हार करोड़ रपे, एकीकृत जीएसटी 87 ज्हार 781 करोड़ रपे ते सैस 12 ज्हार करोड़ रपे शामिल न। मंत्रालय मूजब रिफंड गी शामिल करियै मई म्हीने दा शुद्ध जीएसटी राजस्व इक लक्ख 44 ज्हार करोड़ रपे बनदा ऐ, जेहड़ा पिछले ब'रे दे इक म्हीने दे मकाबले च 6.9 प्रतिशत बद्ध ऐ। मंत्रालय नै अगगे दस्सेआ जे 2024-25 माली ब'रे च सकल जीएसटी राजस्व हूनै तोड़ी 3 लक्ख 83 ज्हार करोड़ रपे रेआ ऐ। जेहड़ा पिछले ब'रे दे मकाबले शानदार 11.3 प्रतिशत दी बढ़ोतरी गी दर्शादा ऐ ते एहदे पिछे घरेलू लैन-देन दा जबरदस्त उछाल दे आयात च कोल शामिल ऐ।

<><><><><><>

Assam

असम च हाड़ करी स्थिति खराब ऐ। हाड़ें करी 10 जिलें दे 6 लक्ख थमां मते लोक प्रभावत होए न। पिछले 24एं घंटे दरान 3 लोकें दी मौत होई ऐ जेहदे मगरा हाड़ें करी मरने आलें दी गिनतरी 11 होइ गई ऐ। कुल 597 ग्रां प्रभावत होए न ते राज्य च 4 ज्हार 8 सौ हैक्टर जमीन पर लग्गी दी फसल तबाह होई गई ऐ। राज्य सरकार नै 187 राहत शिविर खोले न ते राहत सामग्री बंडने लेई 96 केन्द्र खोले न। बचाह कम्में च एनडीआरएफ ते एसडीआरएफ दी टीमें गी कम्में पर लाया गेदा ऐ।

<><><><><><>

ICC World Cup

भारत नै कल रातीं न्यूयार्क दे नासाड काउंटी इंटरनेशनल क्रिकेट स्टेडियम च आईसीसी मर्दे दे टी-20 विश्व कप 2024 दे अपने इक्कले अभ्यास मैच च भारत नै बंग्लादेश उप्पर 60एं रजें दी शानदार जित्त हासल कीती ऐ ।

<><><><><><>